



REPUBLIKA E SHQIPËRISË
BASHKIA KOLONJË
KRYETARI

Nr. 44/14 Prot

Ersekë, më 26.09.2024

URDHËR

Nr. 516, datë 26.09.2024

PËR

“MIRATIMIN E KODIT TË ETIKËS SË NJËSISË TË AUDITIT TË BRENDSHËM
TË BASHKISË KOLONJË”

Në zbatim të Urdhërit Nr. 86, datë 10.12. 2015 “Për miratimin e Kodit të Etikës për audituesit e brendshëm në sektorin publik” të Ministrit të Financave, bazuar në Ligjin nr. 9131, datë 08.09.2003 “Për rregullat e etikës në administratën publike”, pikën “c” të nenit 8 të Ligjit nr. 114/2015 për “Auditimin e brendshëm në sektorin publik”(i ndryshuar) si dhe Manualit të Auditimit të Brendshëm, miratuar me Urdhërin Nr.100, date 25.10.2016 të Ministrit të Financave, “Për miratimin e Manualit të Auditimit të Brendshëm në Sektorin Publik” ndryshuar me Urdhërin Nr. 4, datë 10.01.2020 të Ministrit të Financave,

URDHËROJ:

1. Miratimin e Kodit të Etikës së Auditimit të Njesisë së Auditit të Brendshëm të Bashkisë Kolonjë, bashkëlidhur.
2. Ngarkohet Njësia e Auditit të Brendshëm për zbatimin e këtij urdhëri.
3. Ky urdhër hyn në fuqi menjëherë.

REPUBLIKA E SHQIPËRISË
KRYETAR
ERION ISAI

KODI I ETIKËS PËR AUDITUESIT E BRENDSHËM NË SEKTORIN PUBLIK

Në zbatim të Urdhërit Nr. 86, datë 10.12. 2015 “Për miratimin e Kodit të Etikës për audituesit e brendshëm në sektorin publik” të Ministrit të Financave, bazuar në Ligjin nr. 9131, datë 08.09.2003 “Për rregullat e etikës në administratën publike”, pikën “c” të nenit 8 të Ligjit nr. 114/2015 për “Auditimin e brendshëm në sektorin publik”(i ndryshuar) si dhe Manualit të Auditimit të Brendshëm, miratuar me Urdhërin Nr.100, date 25.10.2016 të Ministrit të Financave, “Për miratimin e Manualit të Auditimit të Brendshëm në Sektorin Publik” ndryshuar me Urdhërin Nr. 4, datë 10.01.2020 të Ministrit të Financave, Kodi i Etikës përmban parimet që rregullojnë sjelljen e audituesve të brendshëm në Bashkinë Kolonjë në kryerjen e shërbimit të auditimit të brendshëm. Ky dokument përshkruan kërkesat minimale për sjelljen dhe pritshmëritë e sjelljes së audituesve të brendshëm, pra nuk përfshin aktivitete të veçanta të veprimtarisë së audituesve.

I. QËLLIMI I KODIT TË ETIKËS

Kodi i Etikës ka si qëllim të promovojë një kulturë etike në profesionin e auditimit të brendshëm. Kodi i etikës është i nevojshëm dhe i përshtatshëm për profesionin e auditimit të brendshëm, i krijuar për të vendosur besimin dhe sigurimin objektiv në lidhje me qeverisjen, menaxhimin e riskut dhe kontrollin.

Auditimi i brendshëm është një veprimtari e pavarur, që jep siguri objektive, si dhe ofron këshillim për menaxhimin, e projektuar për të shtuar vlerën dhe për të përmirësuar veprimtarinë e njësisë publike. Auditimi i brendshëm ndihmon njësinë publike për të arritur objektivat, nëpërmjet një veprimtarie të disiplinuar dhe sistematike, për të vlerësuar e përmirësuar frutshmërinë e menaxhimit të riskut, si dhe proceset e kontrollit dhe të qeverisjes.

Ky kod, shihet prej përkufizimit të auditimit të brendshëm dhe përfshin dy komponentë kryesorë:

- 1. Parimet**, të cilat janë të përshtatshme për profesionin dhe praktikën e auditimit të brendshëm;
- 2. Rregullat e mirësjelljes**, duke përfshirë normat dhe sjelljen që pritët nga audituesit e brendshëm.

Këto rregulla ndihmojnë në interpretimin e parimeve për zbatim praktik të tyre dhe kanë si qëllim të udhëzojnë sjelljen etike të auditueve të brendshëm.

Auditues i brendshëm, është profesionisti, i kualifikuar dhe çertifikuar sipas kërkesave të përcaktuara në aktet ligjore dhe nënligjore në fuqi dhe që kryen shërbimin e auditimit të brendshëm, në përputhje me përkufizimin e auditimit të brendshëm.

II. FUSHA E VEPRIMIT

Kodi i Etikës, zbatohet për audituesit e brendshëm në bashki. Për audituesit e brendshëm në detyrë, shkeljet e Kodit të Etikës do të vlerësohen dhe administrohen sipas akteve ligjore në fuqi.

III. PARIMET

1. Integriteti.

Integriteti i audituesve të brendshëm krijon besimin dhe në këtë mënyrë siguron bazën për mbështetje të gjykimit të tyre.

2. Objektiviteti.

Audituesit e brendshëm shfaqin nivelin më të lartë të objektivitetit profesional në mbledhjen, vlerësimin dhe komunikimin e informacionit në lidhje me aktivitetin ose procesin që auditohet. Audituesit e brendshëm kryejnë vlerësim të balancuar të të gjithë rrethanave përkatëse dhe nuk ndikohen nga interesat e tyre personale ose nga të tjerët për nxjerrjen e konkluzioneve dhe në dhënien e rekomandimeve.

3. Konfidencialiteti.

Audituesit e brendshëm duhet të respektojnë vlerat dhe pronësinë e të dhënave që mbledhin dhe të mos zbulojnë ndonjë informacion, nëse ata nuk kanë autoritetin ose një detyrim ligjor ose profesional për ta bërë këtë.

4. Kompetenca.

Audituesit e brendshëm duhet të zbulojnë dhe përdorin njohuritë, aftësitë dhe përvojën në ofrimin e shërbimit të auditimit të brendshëm sipas kompetencave të dhëna nga aktet ligjore në fuqi.

IV. RREGULLAT E SJELLJES

1. Integriteti

Audituesit e brendshëm:

- a) Duhet të kryejnë punën e tyre me ndershmëri, zell dhe përgjegjësi;
- b) Duhet të respektojnë ligjin dhe të bëjnë dhënien e informacioneve shpjeguese të udhëhequra nga ligji dhe profesionalizmi;
- c) Nuk duhet me vetëdije të jenë palë me ndonje aktivitet të paligjshëm ose të angazhohen në akte që janë diskriminuese për profesionin e auditimit të brendshëm ose organizatës;
- d) Duhet të respektojnë dhe kontribuojnë në arritjen e objektivave legjitime dhe etike të njësisë publike.

2. Objektiviteti i Audituesit e Brendshëm:

- a) Nuk duhet të marrin pjesë në asnjë aktivitet ose mardhënie që mund të dëmtojë ose parashikon të dëmtojë vlerësimin e paanshëm. Kjo pjesëmarrje përfshin ato veprimtari që mund të jenë në konflikt me interesat e njësisë publike.
- b) Nuk duhet të pranojnë asgjë që mund të dëmtojë ose parashikon të dëmtojë gjykimin profesional. Duhet të raportojnë të gjitha faktet e njohura prej tyre të cilat nëse nuk zbulohen, shkaktojnë shtrembërim të raportimit të procesit nën auditim.

3. Kofidencialiteti i Audituesit e Brendshëm:

- a) Duhet të jenë të kujdesshëm në përdorimin dhe ruajtjen e informacionit të mbledhur gjatë veprimtarisë së auditimit të brendshëm.
- b) Nuk duhet të përdorin informacionin për përfitime personale apo ndonjë formë tjetër, në kundërshtim me ligjin ose që çënon objektivat legjitime dhe etike të njësisë që auditohet.

4. Kompetenca e Audituesit të Brendshëm:

- a) Duhet të angazhohet vetëm në veprimtarinë audituese, për të cilat ata kanë njohuritë e nevojshme, kompetencën dhe përvojën e duhur.
- b) Duhet të kryejë veprimtarinë e auditimit të brendshëm në përputhje me kuadrin rregullator të auditimit të brendshëm dhe të Standarteve Ndërkombëtare për Praktikën Profesionale të Auditimit të Brendshëm ,të pranuar për tu zbatuar.
- c) Duhet vazhdimisht të përmirësojnë aftësitë e tyre dhe efektivitetin e cilësisë së shërbimeve të tyre.

Audituesit e brendshëm, përveç njohjes së kërkesave të këtij Kodi Etik, duhet të kenë parasysh dhe legjislacionin në fuqi për rregullat e etikës në administratën publike.

Koncept: Arnold Fetallari



Për Sektorin e Auditit të Brendshëm

Përgjegjës i Komanduar

Laura Skënderas

